

# THESES EX UNIVERSA MEDICINA PUBLICIS AGITANDÆ DISPUTATIONIBUS IN MEDICORUM SCHOLIS CELEBERRIMÆ ACADEMIÆ CADOMENSIS, PRO DOCTORATUS GRADU CONSEQUENDO,

M. PETRO ANGO, DOCTORE MEDICO, ET PROFESSORE REGIO, PRÆSIDE.

46.

## EX PHYSIOLOGIA.

**M**EDICINA est Ars sanantem hominis præsentem tuendi, & absentem restituendi. Dicitur sub Hippocratis & Galeni virillis floruit; sed à seculi seculo novis locupletata inventis, systematum copia, veluti oppressa est. Physiologia, quæ hominis economiam attentius spectat, Recentiorum Philosophiæ se adiunxit, atque inter elementa minima nature, & Chymica admisit. Sanguis humor est compositus ex vario particularum confusio, ad partium solidam nutrimentum, & spirituum generationem. Ille ex chylo per thoracica vasa delato, fermentatione, cordis & arteriarum motu conficitur.

Spiritus ex tenuioribus sanguinis particulis in cerebri glandulis percolatis constat. Humor lymphaticus ex residuo spirituum vappellentium, & sanguine arterio in glandulis secreto ducit originem.

Spiritus ope actiones animæ determinat: illi insigni subtilitate, & mobilitate pollentes, cum admirabili organorum interiorum & exteriorum mechanica, functiones administrant. Nutritioni etiam, ut & generationi famulantur.

Partes corporis solide sunt, aut fluidæ: illæ duriores, ut ossa, cartilaginee, tendines; vel paulo molliores, ut fibrae motrices, quarum oscillatione motus humorum absolvuntur; cornæ verò duritie fariscentibus torpidi, aut nulli sunt, ac fatalis mors proximè sequitur.

Fluidæ partes suprà laudatæ sunt sanguis, lymphæ, & spiritus, quarum indefinente officio constat sanitas, & vita. Motum habent generalem circuitus, & peculiarem particularum inter se. His etiam gravitatis, æquilibrii, & elasticitatis ascribenda vis est.

Inutile est nomen facultatis in actionibus spontaneis, aut à mechanica pendentibus, veluti causam evidentem, & claram asserere. Coctricem enim, nutriticam, & procreatricem obcuras facultates relinquere Veteres.

## EX PATHOLOGIA.

**P**ATHOLOGIA est pars Medicinæ, quæ docet morbosam corporis nostri constitutionem. Morbus est affectus præter naturam actiones primò, & per se manifestè lædens. Pathologia morbos, eorumdem causas & symptomata complectitur.

Morbosam differentiam duplices, essentielles aliæ, aliæ accidentales. Hæ constituunt morbos imperiei in partibus similibus, æ organicos, 3<sup>o</sup> solute unitatis seu communes; recessus enim à naturali partis cuiusque constitutione, morborum genera efficit. Imperiei vis potest sine materia concipi. Cùm fluidorum secundum minimas partes intensa turbatio fit, maligni nascuntur affectus.

Morbosum in partibus organicis differentia tot sunt, quot res & modi ad partis organicæ constitutionem prærequiruntur: definitus scilicet partium componementum numerus, conveniens magnitudo, conformatio iusta, quæ figuram decentem, cavitatem, alpeitem, &c. complectitur. Opus est præterea, ut pars situm naturalem occupet, & cum vicinis connectatur. Contraria his omnibus dispositio, morbus est.

Tertium morbi genus similibus & organicis partibus commune, solute unitatis vocatur, cùm scilicet partes dividuntur. Huius generis differentia à parte affecta, & causis unitatem solventibus petuntur. Aliud enim est vulnus, contusio, aliud fractura, caries.

Accidentales differentie à multis evolvunt circumstantiis. Alii *idiopathici* morbi, alii *symphatici*, epidemici, & endemici, chronici, breves, & acuti. Sunt etiam vel simplices, aut compositi, universales, & particulares, activi, aut hyemales, intermittentes, aut continui, benigni, & maligni, hereditarii, contagiosi, &c.

Morbosam causam aut internam, alia est proxima, alia remota, alia conjuncta, seu continens, alia antecedens, alia *præcæritica*. Efficientes causæ sunt vel humores, vel sex res nonnaturales, scilicet nempte, cibis, potus, motus, quies, somnus, vigilia, excreta, retenta, & animi pathemata, quorum legitimus usus sanantem, præpositos morbum excitat.

Symptomata est *phenomenon*, concomitant læsionem texture partium solidarum, & solidorum. Fluidorum præcipue pars, in economiâ animæ, sanguis & spiritus; et ita pendens symptomata, vel actiones læsæ, quales mutatur, quæ excretorum & recrementorum amittit.

Actio læditur, cùm plane aboletur, vel immittitur, augetur, vel depravatur. Sic ventriculi actio læditur in *anorexia*, *bradypepsia*, *anorexia*, *dysoxia*, *apoplexia*, ructu, vomitu, siccitate. Sic ratio, imaginatio, & memoria aboletur, immittuntur, ac depravatur. Idem contingit actionibus sensuum exteriorum.

## EX SEMELOTICE.

**S**IGNUM morbi, Græcè *σημειον*, est quiddam sensibus obvium etiam in licare potest. Morbi causa, & symptomata, signa sæpè existunt; proprium est vel commune signum: proprium separabile, vel inseparabile, live pathognomonicum maxime affectum designans.

Præterea signum est *syndremon* *epiphænomenon*, subsequens, vel bonum, malum, certum, incertum, salutare, quod bonis ægri rebus contingit, vel lethale perniciem portendens: quædam morbi celeritatem, alia signa longitudinem significant.

Diagnostica signa sunt, vel prognostica: illa vel partem affectam, vel morbi speciem declarant. Diagnostica potissimum partis affectus actionis læsione. Sic acuti dolores membranas, obtusi glandulas, & carnes affici demonstrant.

Species morbi clariùs distinguitur pluribus signis, veluti testibus, quàm uno. Maxima cum attentione signorum *syndremon* spectatur; quæ viâ ad abditiorum morborum notitiam accedimus.

Desumuntur signa diagnostica ex pulsu, urina, actionibus læsæ, vitalibus, & animalibus, victus ratione, vitæ genere, sexu, juvenibus & nocentibus, atque communiter grassantibus morbis, ut peste, & variolis.

Prognostica signa sunt, quæ in morbis futura prænuntiant, nempe eventum illorum, tempus, & solutionis modum. Eventus ad sanitatem, aut mortem spectat; ad tempus, brevitatem, aut diuturnitatem; ad solutionis modum, criss, aut resolutio pertinet.

Signa salutis aut mortis, à viribus potissimum eruantur, nempe à pulsu valido, & magno, à facili morbi tolerantia, à pravorum signorum absentia. Cùm autem vires effecere languent, & animalis economia corruit, cessante cordis & fibrarum oscillatorio motu, mors obrepat.

## EX DIETA.

**D**IETA vel est methodus sanis moderatè vivendi, vel ægris certa victus institutio. Est autem plenior, mediocrius, aut tenuis: Plenior, cùm plus assumitur, quàm ad reparationem perditæ necessarium sit; mediocrius, cùm æqualis quantitas restituitur & tenet, cùm minus reponitur.

Æris puritas sanitati prodest; illius inclementia, sive ad calorem aut frigus nimium vergat, infalubris est. Sic vaporibus arsenicæ, aut cadaverum insepultorum conspurcatis morborum fœtas. Tenuis mediocriter ventis agitata, nitrosis partibus stipatis vitali flamma confert.

Cibus est id, quod substantia corporis evanida reponitur: ex eo chylus, sanguis, & spiritus ad vitam fovendam necessarii conficiuntur. Cibi ex vegetabilibus, leguminibus, oleis, cerealibus desumuntur, sed maxime ex pane ciborum frequentissimo, à piloribus vel dulcatis elaborato.

Ex animalium carnis suaviora à coqui parari solent alimenta: quædam facilius in stomacho fermentantur, quæ præstantiora sunt; alia difficilior, quæ solioribus relinquuntur. Agrotantibus carium gallinarum, & vituli juscula idonea sunt. Tices etiam inter alimenta reponuntur, plenique grata. Potulenta fluidam substantiam refaciunt, fermentationem promouent; inter ea vinum primas tenet, pomaceum etiam & pyracum his in regionibus vices illius gerunt; in aliis hydromel simplex, aut fermentatum, vel zithum ex cerebali, taticio, vel hordeo eductum profuit. Ex his spiritus elicitur adens dictus, nimio sui usu funestus.

Aqua antiquissimum, atque familiaris potus sitim sedat, & fermentationem adjuvat; debet esse pura, sine odore, & sapore; elationi carium & picium infestit, præsanis & apozematibus conficiendis utilis; Turce decocto Caphe, & Chineses The potione delectantur. Utare illis, non abutere.

Somnus restaurat spiritus, & virium lapsum; immoderatus caput gravat, mentis inducit torporem. Vehementes animi passionēs, ita potissimum & tristitia, sanantem turbant, & quisquis suæ consiliis, tranquillitatem animi debet aucupari.

## EX THERAPEUTICE.

**T**HERAPEUTICE, seu curatrix Medicinæ pars est præstantior, quæ in sanatione morborum certâ vitæ methodo, & notitiâ agendorum. Per indicationes auxiliorum, quibus labefacta est corporis economia, eadem restituitur.

Dux autem præcipue sunt indicationes: una à viribus, altera ab effectibus. Vires sunt conservandæ: morbus est expugnandus: ubi unus indicatio cum altera pugnat, indicatio est curacionis ratio, & urgentiori occurrentum.

Remedii quantitas ex laborantis natura, & morbi magnitudine desumenda. Tempus idoneum expectandum. Cùm morbi inchoant, si quid movendum, move. In statu nota humoris morbosico expellendo aut profigando intendit, ad institutum non est avocanda.

Vense sectio, ut multos jugulavit morbos, ita plurimos agrotantes peremit. Ea non in omnibus affectibus indifferenter est celebranda, cùm alia præsto sint præsidia, quæ sanguinis & fluidorum depurationi conferant.

Etiam phlebotomia sanguinis multitudinem imminuit, & humoribus veluti cistæ percitis exitum præstat, æstusque contemperet; non æquè tam in eorum corruptione, ut revulsiorem, aut derivatiorum, æstimet præsidium.

Purgatio motus est excretorius fibrarum ventriculi, & intestinorum ab irritatione pendens, quæ feces & humorum recrementa foras pellunt; cùm vero stomachi fibræ à musculari abdominis & diaphragmatis compellæ verius os contenta pellant, vomitus concurrit.

Maxima est humorum per insensibilem transpirationem évacuatio, quæ ut aliis évacuationibus copiosior, huic idè moderandæ attentus debet esse Medicus; si ea subsistat, nec sanguis sufficienter depuretur, diaphoreticis & sudorificis sollicitanda.

Hæc Theses proponebat FRANCISCUS CAROLUS DESPAIGNE, Pontodomæus, Licentiatius Medicus, die Martis sextâ Novembris, A. R. S. H. M. DCCXIV. ab hora octava ad meridiem.

CADOMI, Apud ANTONIUM CAYELLER, Regis, & Academiæ Typographum.

